

Na osnovu člana 16. stava 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 3/23), a u vezi sa članom 64. stav (2) tačkom c) Zakona o državnoj službi u Federaciji BiH (“Službene novine Federacije Bosne i Hercegovine“, broj: 29/03, 23/04, 39/04, 54/04, 67/05,8/06, 77/06-odluka US, 34/10-odluka US, 45/10- dr., 4/12, 99/15 i 9/17 - odluka US), koji je Zakonom o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona”, broj: 3/12), preuzet kao kantonalni i Zaključkom Vlade Zeničko-dobojskog kantona, broj: 02-02-17448/22 od 24.11.2022. godine, na prijedlog Ministarstva za pravosuđe i upravu, Vlada Zeničko-dobojskog kantona, na 131. sjednici, održanoj 05.06.2026. godine, d o n o s i

Z A K L J U Č A K

I.

Daje se saglasnost ministru Ministarstva za pravosuđe i upravu da u ime Zeničko-dobojskog kantona potpiše Sporazum o međusobnim pravima i obavezama u implementaciji Zakona o državnoj službi u Zeničko-dobojskom kantonu i Modela sufinansiranja stručnog usavršavanja na kantonalnom nivou između Ministarstva za pravosuđe i upravu i Agencije za državnu službu Federacije Bosne i Hercegovine.

II.

Realizacija Sporazuma iz tačke I. ovog zaključka izvršit će se na teret sredstava odobrenih u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 16 – Ministarstvo za pravosuđe i upravu, budžetska organizacija 0001, ekonomski kod 614100 – Tekući transferi drugim nivoima vlasti, u iznosu od 6.647,00 KM (slovima: šestiljadačetdesetisedam konvertibilnih maraka).

III.

Zadužuje se Ministarstvo za pravosuđe i upravu da prati realizaciju Sporazuma, te po isteku izvještajnog perioda utvrđenog Sporazumom informiše Vladu Zeničko-dobojskog kantona o njegovoj realizaciji.

IV.

Ovaj zaključak stupa na snagu danom donošenja.

Broj: 02-_____/26
Datum, 05.06.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Ministarstvo finansija,
1x a/a.

Na osnovu Zaključka Vlade Zeničko-dobojskog kantona broj: 02-_____/26 od _____ 2026. godine, Zakona o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona", broj: 3/12), te Modela sufinansiranja stručnog usavršavanja na kantonalnom nivou, sporazumne strane:

1. Vlada Zeničko-dobojskog kantona, sa sjedištem u Zenici, ul. Kučukovići broj 2, za koju Sporazum, po ovlaštenju Vlade Zeničko-dobojskog kantona sadržanom u Zaključku broj: 02-_____/26 od _____.2026. godine, potpisuje ministar Ministarstva za pravosuđe i upravu **Nebojša Nikolić** (u daljem tekstu: Davalac sredstava)

i

2. Agencija za državnu službu Federacije Bosne i Hercegovine, sa sjedištem u Sarajevu, ul. Kolodvorska broj 6, koju zastupa direktor **Refik Begić** (u daljem tekstu: Korisnik sredstava) zaključuju:

SPORAZUM

o međusobnim pravima i obavezama u implementaciji Zakona o državnoj službi u Zeničko-dobojskom kantonu i Modela sufinansiranja stručnog usavršavanja na kantonalnom nivou

Član 1.

(Predmet Sporazuma)

Ovim Sporazumom uređuju se međusobna prava i obaveze ugovornih strana u vezi sa realizacijom aktivnosti koje proizlaze iz primjene Zakona o državnoj službi u Zeničko-dobojskom kantonu i provođenja Modela sufinansiranja stručnog usavršavanja na kantonalnom nivou.

Aktivnosti iz stava (1) ovog člana naročito obuhvataju: stručnu i administrativnu podršku u provođenju konkursnih procedura, vođenje i unapređenje registra zaposlenih u organima državne službe, realizaciju programa stručnog usavršavanja državnih službenika i namještenika, unapređenje organizacionih i digitalnih procesa u oblasti upravljanja ljudskim resursima, druge aktivnosti koje proizlaze iz zakonom povjerenih nadležnosti Agencije za državnu službu Federacije Bosne i Hercegovine.

Član 2.

(Finansiranje)

Radi realizacije aktivnosti iz člana 1. ovog Sporazuma, Davalac sredstava izvršit će uplatu sredstava u iznosu od 6.647,00 KM.

Sredstva iz stava (1) ovog člana planirana su i odobrena u Budžetu Zeničko-dobojskog kantona za 2026. godinu, razdjel 16 – Ministarstvo za pravosuđe i upravu, budžetska organizacija 0001, ekonomski kod 614100 – Tekući transferi drugim nivoima vlasti.

Uplata sredstava izvršit će se prema sljedećim podacima:

Naziv projekta: Sufinansiranje povjerenih poslova u skladu sa odredbama kantonalnih zakona o državnoj službi, Kod projekta: 1000333, Depozitni račun Budžeta Federacije BiH: 102-050000-00-106-698 (Union Banka Sarajevo)

Član 3.

(Obaveze Korisnika sredstava)

Korisnik sredstava obavezuje se da sredstva koristi namjenski i u skladu sa važećim propisima. Korisnik sredstava obavezuje se da Vladi Zeničko-dobojskog kantona, putem Ministarstva za pravosuđe i upravu, dostavi godišnji izvještaj o realizovanim aktivnostima i utrošku sredstava za izvještajni period, nakon predaje godišnjeg obračuna.

Izvještaj iz prethodnog stava naročito sadrži pregled realizovanih aktivnosti, pregled izvršenja zakonom povjerenih poslova, pregled programa stručnog usavršavanja, pregled utroška sredstava.

Član 4.

(Praćenje realizacije)

Ministarstvo za pravosuđe i upravu Zeničko-dobojskog kantona prati realizaciju ovog Sporazuma i po potrebi priprema informaciju za razmatranje od strane Vlade Zeničko-dobojskog kantona.

Član 5.

(Trajanje Sporazuma)

Ovaj Sporazum zaključuje se za kalendarsku 2026. godinu.

Član 6.

(Stupanje na snagu)

Ovaj Sporazum stupa na snagu danom potpisivanja od strane obje ugovorne strane.

ZA KORISNIKA SREDSTAVA

DIREKTOR

Refik Begić, magistar uprave

**ZA DAVAOCA SREDSTAVA
VLADA ZENIČKO-DOBOJSKOG KANTONA**

po ovlaštenju Vlade
MINISTAR

Nebojša Nikolić

Broj: _____

Sarajevo, _____ 2026. godine

Broj: _____

Zenica, _____ 2026. godine